


中國歷代名刀錄



# 中國歷代名人錄

第一集——聖哲·英雄

第二集——民族英雄

合訂第一部

復興中華  
上海復興  
出版  
編輯  
部  
社  
版  
出  
月  
四  
年  
七  
十  
三

編輯  
者  
者  
期  
行  
版  
出

## 中國歷代名人錄再版敘

我中華民國，具有五千餘年之歷史，在此永長悠久之歷史過程中，各種人物，形形色色，應有盡有，而聖哲賢豪，英雄俊傑，忠臣孝子，義士高人，以及詩文才子，書畫名家，等特出之人，皆山川靈秀所鍾，民族精神所萃，為歷史創造演進之主要人物，鼎鼎大名，光耀簡冊，昭昭典範，垂於來茲，尤值得吾人景仰崇拜，而當引以為楷模者也。

歷史為往事之陳迹，古人為今人之典型。唐太宗云：「以銅為鏡，可以正衣冠；以古為鏡，可以見興替；以人為鏡，可以知得失；」旨哉斯言。然則古人之歷史，乃今人之寶鑑，吾人丁此動盪之時，苟欲希聖希賢，經文緯武，創造事業，立德成名，自應多讀古人之歷史，以作現實之取法，庶幾不致庸庸而生，草草而死，默默無聞也。

本社有鑒於此，曩曾敦聘國學專家多人，數更寒暑，博攷載籍，編輯歷代名人錄一書，內分聖哲，英雄（附民族英雄）將帥、文臣、忠烈、正直、節義、純孝、名儒、經學、文苑、高人、策士、游俠、藝林等十五類。公之於世，久為讀者所歡迎，現重加校正，再版印行。當此戡亂行憲，復興建國之大時代，凡我國人，皆當奮發有為，創建事功，為時代不可少之人，尤不可不讀本書，以古人為鏡，以達功成名遂之目的也。

# 中國歷代名人錄目次

## 聖哲

(一至四二)

|     |    |          |        |
|-----|----|----------|--------|
| 黃帝  | 一  | 孟子       | 三五     |
| 唐堯  | 三  | 荀卿       | 三六     |
| 虞舜  | 五  | 老子       | 三七     |
| 夏禹  | 一〇 | 莊子       | 三九     |
| 商湯  | 一六 | 墨子       | 四〇     |
| (周) |    | 英雄       | (一至五四) |
| 周文王 | 一七 | 姜小白(齊桓公) | 一      |
| 周武王 | 一九 | 姬重耳(晉文公) | 四      |
| 周公  | 二五 | 嬴任好(秦穆公) | 六      |
| 孔子  | 二七 | 畢侶(楚莊王)  | 八      |
|     |    | 勾踐(越王)   | 一〇     |

中國歷代名人錄

目次

|                |    |                  |    |
|----------------|----|------------------|----|
| 趙政(秦始皇).....   | 一五 | 石勒(後趙主).....     | 四三 |
| 項羽(楚霸王).....   | 一八 | 李淵(唐高祖).....     | 四五 |
| 劉邦(漢高祖).....   | 二一 | 李世民(唐太宗).....    | 四六 |
| 陳涉(附吳廣).....   | 二六 | 錢鏐(吳越武肅王).....   | 四七 |
| 張耳(附陳餘).....   | 三〇 | 李克用.....         | 四八 |
| 趙佗(南越王).....   | 三四 | 李存勖(後唐莊宗).....   | 四九 |
| 劉徹(漢武帝).....   | 三七 | 趙匡胤(宋太祖).....    | 五〇 |
| 劉秀(漢光武帝).....  | 三八 | 忽必烈(元世祖).....    | 五一 |
| 劉備(蜀漢昭烈帝)..... | 三八 | 奴爾赫赤(清太祖).....   | 五二 |
| 孫策.....        | 三九 | 愛新覺羅玄暉(清聖祖)..... | 五三 |
| 孫權(吳大帝).....   | 四〇 | 愛新覺羅弘曆(清高宗)..... | 五四 |
| 曹操(魏武帝).....   | 四〇 | (附民族英雄) (一至一三六)  |    |
| 符堅(前秦主).....   | 四一 | (戰國)             |    |

中國歷代名人錄

|               |    |          |    |
|---------------|----|----------|----|
| 蘇雍(趙武靈王)..... | 一  | 趙充國..... | 二六 |
| 李牧.....       | 五  | 鄭吉.....  | 三〇 |
| (秦)           |    | 馮奉世..... | 三一 |
| 蒙恬.....       | 七  | 陳湯.....  | 三三 |
| (漢)           |    | 甘延壽..... | 三七 |
| 衛青.....       | 一〇 | 馬援.....  | 三八 |
| 霍去病.....      | 一四 | 班超.....  | 四一 |
| 李廣.....       | 一六 | 耿恭.....  | 四四 |
| 程不識.....      | 二一 | 竇憲.....  | 四五 |
| 張騫.....       | 二二 | (唐)      |    |
| 唐蒙.....       | 二三 | 李靖.....  | 四六 |
| 終軍.....       | 二四 | 李世勣..... | 四七 |
| 傅介子.....      | 二五 | 薛仁貴..... | 四八 |

中國歷代名人錄

目次

四

(宋)

狄青……………四九

劉韜……………五二

劉子羽……………五五

張叔夜……………五八

宗澤……………六一

岳飛……………六六

韓世忠……………七一

劉光世……………七五

劉錡……………七六

吳玠……………八一

吳璘……………八二

孟宗政……………八三

孟珙……………八六

文天祥……………九〇

(元)

鐵木真(成吉思汗)……………九五

陳友諒……………九七

張士誠……………九七

(明)

朱元璋(明太祖)……………九八

張赫……………九九

傅安……………一〇〇

鄭和……………一〇一

戚繼光……………一〇四

俞大猷……………一〇七

---

中國歷代名人錄

---

史可法……………一〇八

李秀成……………一三五

鄭成功……………一一三

張煌言……………一一四

(清)

年羹堯……………一二五

岳鍾琪……………一二六

劉銘傳……………一二六

劉永福……………一二七

陳化成……………一二八

(太平天國)

洪秀全……………一三一

楊秀清……………一三三

石達開……………一三四

目次



中國歷代名人錄

聖哲

黃帝

黃帝者。少典之子。姓公孫。名曰軒轅。生而神靈。弱而能言。幼而徇齊。長而敦敏。成而聰明。軒轅之時。神農氏世衰。諸侯相侵伐。暴虐百姓。而神農氏弗能征。於是軒轅乃習用干戈。以征不享。諸侯咸來賓從。而蚩尤最爲暴。莫能伐。炎帝欲侵陵諸侯。諸侯咸歸軒轅。軒轅乃修德振兵。治五氣。藝五種。撫萬民。度四方。教熊羆貔貅羆虎。以與炎帝戰於阪

泉之野。三戰然後得其志。蚩尤作亂。不用帝命。於是黃帝乃徵師諸侯。與蚩尤戰於涿鹿之野。遂禽殺蚩尤。而諸侯咸尊軒轅爲天子。代神農氏。是爲黃帝。天下有不順者。黃帝從而征之。平者去之。披山通道。未嘗寧居。東至于海。登丸山。及岱宗。西至于空桐。登雞頭。南至于江。登熊湘。北逐葷粥。合符釜山。而邑于涿鹿之阿。遷徙往來無常處。以師兵爲營衛。官名皆以雲。命爲雲師。置左右大監。監于萬國。萬國和。而鬼神山川封禪與爲多焉。獲寶鼎。迎日推策。舉風后、力牧、常先、大鴻、以治民。順天地之紀。幽明之占。死生之說。存亡之難。時播百穀草木。淳化鳥獸蟲蛾。旁羅日月星辰。水波土石金玉。勞勩心力耳目。節用水火材物。有土德之瑞。故

號黃帝。黃帝二十五子。其得姓者十四人。黃帝居軒轅之丘。而娶於西陵之女。是爲嫫祖。嫫祖爲黃帝正妃。生二子。其後皆有天下。其一曰玄囂。是爲青陽。青陽降居江水。其二曰昌意。降居若水。黃帝崩。葬橋山。

### 唐堯

唐堯者。名勳。其仁如天。其知如神。就之如日。望之如雲。富而不驕。貴而不舒。能明馴德。以親九族。九族既睦。便章百姓。百姓昭明。合和萬國。乃命羲和。敬順昊天。數法日月星辰。敬授民時。信飭百官。衆功皆興。堯曰。誰可順此事。放齊曰。嗣子丹朱開明。堯曰。吁、頑凶。不用。堯又曰。

。誰可者。謹兜曰。共工旁聚布功。可用。堯曰。共工善言。其用僻。似恭漫天。不可。堯又曰。嗟四嶽。湯湯洪水滔天。浩浩懷山襄陵。下民其憂。有能使治者。皆曰。鯀可。堯曰。鯀負命毀族不可。嶽曰。舛哉。試不可用而已。堯於是聽嶽用鯀九歲。功用不成。堯曰。嗟四嶽。朕在位七十載。汝能庸命。踐朕位。嶽應曰。鄙德忝帝位。堯曰。悉舉貴戚及疏遠隱匿者。衆皆言於堯曰。有矜在民間。曰虞舜。堯曰。然。朕聞之。其何如。嶽曰。盲者子。父頑。母嚚。弟傲。能和以孝。烝烝治。不至姦。堯曰。吾其試哉。於是堯妻之二女。使舜慎和五典。五典能從。乃徧入百官。百官時序。賓於四門。四門穆穆。諸侯遠方賓客皆敬。堯使舜入山林川澤。暴風雷雨。舜行

不迷。堯以爲聖。帝堯老。命舜攝行天子之政。舜言於帝堯。請流共工於幽陵。放驩兜於崇山。遷三苗於三危。殛鯀於羽山。四罪而天下咸服。舜攝行天子之政。堯辟位凡二十八年而崩。百姓悲哀如喪父母。三年。四方莫舉樂。以思堯。初、堯知子丹朱之不肖。不足授天下。於是乃權授舜。堯曰。終不以天下之病而利一人。而卒授舜以天下。堯崩。三年之喪畢。舜讓辟丹朱於南河之南。諸侯朝覲者。不之丹朱而之舜。獄訟者。不之丹朱而之舜。謳歌者。不謳歌丹朱而謳歌舜。舜乃之中國。踐天子位焉。

虞舜

虞舜者。名曰重華。冀州之人也。重華父曰瞽叟。瞽叟盲而舜母死。瞽叟更娶妻而生象。愛後妻子。常欲殺舜。舜避逃。及有小過則受罪。順事父及後母與弟。日以篤謹。匪有懈。父瞽叟、母嚚、弟象、欲殺不可得。卽求。嘗在側。舜年二十以孝聞。三十而帝堯問可用者。四嶽咸薦虞舜曰可。於是堯乃以二女妻舜。以觀其內。使九男與處。以觀其外。舜居嬀汭。內行彌謹。堯二女不敢以貴驕。事舜親戚。甚有婦道。堯九男皆益篤。舜耕歷山。歷山之人皆讓畔。漁雷澤。雷澤上人皆讓居。陶河濱。河濱器皆不苦窳。一年而所居成聚。二年成邑。三年成都。堯乃賜舜絺衣與琴。爲築倉廩。予牛羊。瞽叟尙復欲殺之。使舜上塗廩。瞽叟從下縱火焚廩。舜乃以兩笠自扞而

下去。得不死。後瞽叟又使舜穿井。舜穿井。爲匿空旁出。舜既入深。瞽叟與象共下土實井。舜從匿空出去。瞽叟象喜。以舜爲已死。象曰。本謀者象。象與其父母分。於是曰。舜妻堯二女與琴。象取之。牛羊倉廩予父母。象乃止舜宮居。鼓其琴。舜往見之。象鄂不懌。曰。我思舜。正鬱陶。舜曰。然。爾其庶矣。舜復事瞽叟愛弟彌謹。於是堯乃試舜五典百官。皆治。昔高陽氏有才子八人。世得其利。謂之八愷。高辛氏有才子八人。世謂之八元。舜舉八愷。使主后土。以揆百事。莫不時序。舉八元。使布五教于四方。父義。母慈。兄友。弟恭。子孝。內平外成。舜賓於四門。乃流四凶族。遷于四裔。以御魘魅。於是四門辟。言毋凶人也。舜入于大麓。烈風雷雨不迷。堯乃知舜之足

授天下。堯老。使舜攝行天子政。巡狩。舜得舉用事三十年。而堯使攝政。攝政八年而堯崩。天下歸舜。而禹、皋陶、契、后稷、伯夷、夔、龍、倕、益、彭祖、自堯時而皆舉用。未有分職。於是舜乃至於文祖。謀于四嶽。辟四門。明通四方耳目。命十二牧。論帝德。行厚德。遠佞人。則蠻夷率服。舜謂四嶽曰。有能奮庸美堯之事者。使居官相事。皆曰。伯禹爲司空。可美帝功。舜曰。然。嗟禹。汝平水土。維是勉哉。禹拜稽首。讓於稷、契、與皋陶。舜曰。然。往矣。舜曰。棄。黎民始飢。汝后稷。播時百穀。舜曰。契。百姓不親。五品不馴。汝爲司徒而敬敷五教在寬。舜曰。皋陶。蠻夷猾夏。寇賊姦軌。汝作士。五刑有服。五服三就。五流有度。五度三居。維明能信。舜曰。誰



能馴予工。皆曰垂可。於是以垂爲共工。舜曰。誰能馴予上下。草木鳥獸。皆曰益可。於是以益爲朕虞。益拜稽首。讓于諸臣朱虎、熊羆。舜曰。往矣。汝諧。遂以朱虎、熊羆、爲佐。舜曰。嗟四嶽。有能典朕三禮。皆曰。伯夷可。舜曰。嗟、伯夷。以汝爲秩宗。夙夜維敬。直哉維靜潔。伯夷讓夔、龍。舜曰。然。以夔爲典樂。教稚子。舜曰。龍。朕畏忌讒說殄僞。振驚朕衆。命汝爲納言。夙夜出入。朕命惟信。舜曰。嗟女二十有二人。敬哉。惟時相天事。三歲一考功。三考黜陟。遠近衆功咸興。分北三苗。此二十二人。咸成厥功。皋陶爲大理平。民各伏得其實。伯夷主禮。上下咸讓。垂主工師。百工致功。益主虞。山澤辟。棄主稷。百穀時茂。契主司徒。百姓親和。龍主賓客。